

ՀԱՄԱՅՆԱՀԱՅՆՈՒ ԵՎ ՊՈՆՏԱՀԱՅՆՈՒ ԲՆԱԿԱՎԱՅՐԵՐՆ ՈՒ ԹՎԱՔԱՆԱԿԸ
1914 ԹՎԱԿԱՆԻՆ

Բ. Գ. ԹՈՒԼԱՔՅԱՆ (Սոֆի)

Պոնտական կայսրության վերջնական անկումից (1461 թ.) առաջ և հետո Սև ծովի այդ երկ-
րամասում (Պոնտոս) բնակվում էին հայկական երկու ինքնուրույն հատվածներ՝ կիսանկախ,
երբեմն համարյա ինքնիշխան Համշենը, Սյուրմենե գավառը (Սև գետ), նրա հարակից Յոմուրա
վիճակի գյուղերը, որոնք կազմում էին համշենահայությունը և Տրապիզոնից Սինոպ ամրոց
տարածքի վրա ու Գյումուշխանե գավառում բնակվող հայերը, որոնց տեղի պատմական անունով
ընդունված է պոնտահայեր անվանել:

XVII—XVIII դարերի ընթացքում համշենահայերին բնութագրում իսլամացնելու նպատակով
Բուրբ իշխանության ու մոլեռանդ կրոնականների գործ գրած զազանությունների հետևանքով
համշենահայերի մեծ մասը, ֆիզիկական բնաջնջման ահից, յաթաղանի ու սվինի սպառնալիքի
տակ ընդունեց մահմեդական կրոնն ու կառչած մնաց հայրենի օջախներին: Նրանք, ովքեր հա-
տատ մնացին ազգային ու կրոնական հավատալիքներին, լքեցին իրենց պապենական ոստան-
ները, սփռվեցին Տրապիզոնից-Սամսոն, կուսական անտառներ դարձած լեռնաշխարհում: Նրանցից
շուրջ 150—200 ընտանիք բնակություն հաստատեց Տրապիզոն քաղաքում:

Նույն նահանգում հայկական երկու ինքնուրույն ազգազրական ու բարբառային ճյուղ լի-
նելու առկայությունն է, որ թելադրել է Տրապիզոնի նահանգում՝ Պոնտոսում բնակվող հայերին
բաժանել երկու խմբի ու անվանել համապատասխան հատկանիշներով՝ «համշենահայեր» և «պոն-
տահայեր», թեպետ իրենց զբաղեցրած երկրամասով համշենահայերը նույնպես պոնտահայեր են:

1915 թ. Տրապիզոնի նահանգի (պատմական Պոնտոսի ու Ճանիկի մեծ մասը) վարչական
կենտրոնը՝ կուսակալանիստ քաղաքը Տրապիզոնն էր: Նահանգը բաժանված էր 4 վավառների
(սանջակ)՝ Սամսոնի (Ճանիկի), Տրապիզոնի, Լազիստանի (կենտրոնը՝ Ռիզե), Գյումուշխանեի:
Գավառները բաժանվում էին գավառակների (գազա), որոնք էին. Սամսոն գավառում՝ Բաֆրա,
Ջարշամպա, Բերմե, Ունիե, Ֆաթսա, Կավախ: Տրապիզոնի գավառում՝ Օրդու, Կիրասոն, Կյուրեիկ,
Վազֆը-Քեպիր, Ազեհապատ (Պլադանա), Սյուրմենե, Օֆ: Գյումուշխանեի գավառում՝ Թորուլ
(Արտասա), Քելրիթ, Շեյրան, Լազիստանում՝ Աթինա, Խոփա, Համշեն:

Նդեռին նախորդած տարիներին Տրապիզոնի նահանգում բնակվող հայերի թվաքանակի
մասին հրատարակված պաշտոնական ու ոչ պաշտոնական աղբյուրների տվյալները չափազանց
հակասական են: Այսպես, 1900 թ. մարդահամարի տվյալներով Տրապիզոնի վիլայեթում բնակ-
վում էր մոտավորապես 1200000 մարդ, որոնցից թուրքեր ու լազեր՝ 690 հազար, հույն քրիստոն-
յաներ՝ 200 հազար, կրոնափոխ հույներ՝ 100 հազար, օտարականներ՝ 30 հազար, չերքեզներ,
լեռնցիներ և վրացիներ՝ 30 հազար, խալդեր՝ 30 հազար, կրոնափոխ հայեր՝ 60 հազար, հայ
քրիստոնյաներ՝ 60 հազար²: 1908 թ. թուրքական Սալնամեի (տարեցույց, մարդահամար) հա-
մաձայն, նույն թվականին Տրապիզոնի նահանգն ուներ 1.387.164 ազգաբնակչություն, որից
1114014-ը՝ թուրքեր, 222309-ը՝ հույներ ու 46789-ը՝ հայեր³, Հ. Խանջյանը «Աշխարհագրու-

1 Տրապիզոնի նահանգը ներկայումս բաժանված է վեց ինքնուրույն վիլայեթների (նահանգ),
որոնք են՝ Սամսոն, Օրդու, Կիրասոն (որին միացվել է Շապին-Գարահիսարը), Տրապիզոն,
Ռիզե (նախկին Լազիստան գավառը) և Գյումուշխանե: «Ժամանակակից Թուրքիան», Երևան,
1967, էջ 414 և 12-րդ էջի ներդիր քարտեզը: Տե՛ս նաև Հ. Խանջյան, Աշխարհագրություն
և սմանյան կայսրության, Կ. Պոլիս, 1912: Գրքում չէին հիշվել Սամսոն գավառի Կավախ ու Ֆաթ-
սա գավառակներն ու Լազիստանի Համշեն գավառակը:

2 Տե՛ս Մ. Թոռլաքյան, Օրերուս հետ, Պեյրութ, 1963, էջ 280:

3 Տե՛ս Արշակունի (Հ. Հովակիմյան), Պատմություն հայկական Պոնտոսի, Բեյրութ,
1967, էջ 27:

թյուն օսմանյան կայսրության» դասագրքում 1912-ին նահանգի ամբողջ բնակչության թիվը ցույց է տալիս 950000, առանց ազգային բաժանումների⁴։ 1912 թ. հրատարակված «Ոսկի բարեկամ» գրքում Գ. Մանգակունին նշում է, որ Տրապիզոնի նահանգում բնակվող հայերի թիվը կազմում է 100 հազար⁵։

Թեոդիկի 1922 թ. «Ամենուն տարեցույցում» ասված է. «Եղեռնից առաջ Տրապիզոնի նահանգում հաշվվում էր 65000 հայ, որոնցից եղեռնից հետո վերապրեց 15000 շունչ»⁶։ Հայկական ՍՍՀ Ատլասի (1961 թ.) տվյալներով Տրապիզոնի նահանգում 1914-ին ապրում էր 65000 հայ։ «Հուլիսի 1-ին Մեծ եղեռնի» գրքում կարգում ենք. «Տրապիզոնի սանջակը (ոչ թե նահանգը—Բ. Բ.)՝ կհաշվվեր շուրջ 60 000 հայ բնակչություն, որից 14 հազարը կբնակվեր Տրապիզոնում, նույն գրքում ասված է. «Առաջին աշխարհամարտի նախօրյակին Սամսոն կհաշվվեր 5000 հայություն, հույներ՝ 10000, թուրքեր՝ 15000»⁷։ Լեփսիուսի տվյալներով, Տրապիզոնի նահանգում եղեռնից առաջ ապրում էր 53000 հայ, որոնցից Տրապիզոնի գավառում՝ 32700, Սամսոնի գավառում՝ 20300⁸։ Տրապիզոն քաղաքում եղեռնի նախօրյակին 14000 հայ բնակիչ լինելը հաստատում է այդ ողբալի օրերին Տրապիզոնի իտալական հյուպատոս Կոռինին. «Տրապիզոն քաղաքի 14 հազար հայ բնակչությունն ամբողջովին ոչնչացվեց, միայն շատ քչերին հաջողվեց խուսափել ջարդարարների ճանկերից»⁹։ Տրապիզոն քաղաքում 14 հազար հայ բնակչություն լինելը վկայում է նաև Հանրի Բարրին¹⁰։

Ակադ. Հ. Աճառյանը «Քննություն Համաձայնագրերի» գրքում հաղորդում է. «...բոլոր համաձայնագրերի թիվը լինում է... շուրջ 20000 շունչ, որոնցից հայտնի չէ, թե ինչքանը կենդանի մնաց։ Նույնքան կամ ավելի կարելի է դնել մահմեդական հայերին։ Իսկ Կովկաս, Սև ծովի եզերքը և Կուրան գաղթած համաձայնագրերի թիվը կլինի 60000-ից ավելի»¹¹։

Համաձայնագրերի թվաքանակի մասին հայտնած այս տվյալները առանձին պարզաբանման կարիք ունեն։ Գրքի առաջաբանում Հ. Աճառյանը հաղորդում է. «Համաձայնագրերում ուսումնասիրելու նպատակով 1910 թ. ամառը ես գնացի Տրապիզոն, ուր մնացի երկու շաբաթ։ Այնտեղ ես շրջապատվեցա Մալաթի, Ապկիոնցի, Կյուշանացի (իմ հայրենի գյուղը—Բ. Բ.) և Ճոշարացի գյուղացիներից և ուսուցիչներից... 34 տարի անց, Երևանում առիթ ունեցա ծանոթանալու բժշկական ինստիտուտի երրորդ կուրսի ուսանող Արտաշես էքսուզյանի հետ... որը շատ լավ գիտեր և խոսում էր Համաձայնագրերի մասին։ Կիսատ ու թերի թողած աշխատությունս ձեռնարկեցի լրացնել և ընդարձակել...»։ Բաղմավաստակ գիտնականի զխավոր նպատակը եղել է համաձայնագրերի մասին ուսումնասիրելը։ Վիճակագրական հարցերով նա հետաքրքրվել է ըստ հնարավորությունների։ Գրքի 9-րդ էջում, «Կոտորածներից առաջ» ընդհանուր խորագրի տակ հեղինակը թվում է Տրապիզոնի նահանգի հայկական բնակավայրերն ու բնակչության թվաքանակի մասին հավաքած տվյալները, որոնց ամփոփումը տալիս ենք № 1 աղյուսակում։

Եթե բերված թվերը ընդհանուր հայտարարի վերածենք, այսինքն այնտեղ, որտեղ քանակը ցույց է տրվել միայն տներով, փոխարինենք շնչով (անձով), յուրաքանչյուր ընտանիքի (տան) անդամների թիվը քաղաքներում 6, իսկ գյուղերում 7 շունչ հաշվելով, կստացվի հետևյալ պատկերը (տե՛ս աղ. № 2)։

Մեծ գիտնականը իր լայնածավալ գիտական աշխատանքներին զուգահեռ հավաքել ու մեղ թողել է Տրապիզոնի նահանգի (Պոնտոս) գյուղերի (որոնք համարյա ամբողջությամբ համաձայնագրեր են) ու քաղաքների բնակիչների վերաբերյալ արժեքավոր տեղեկություններ։ Սակայն վերևում բերված նրա վիճակագրական տվյալները բավականին թերի են։

Պատահական չէ, որ հեղինակը, նշելով պատերազմից առաջ նահանգում (Տրապիզոն) 20000 համաձայնագրեր լինելու մասին, ոչինչ չի ասում քաղաքներում ապրող հայերի մասին, իսկ

⁴ Տե՛ս Հ. Խանջյան, նշվ. աշխ., էջ 24։

⁵ Տե՛ս Գ. Մանգակունի, Ոսկի բարեկամ, Տիֆլիս, 1912, էջ 830—831։

⁶ Թեոդիկ, Ամենուն տարեցույցը, 1922, էջ 262։

⁷ «Հուլիսի 1-ին Մեծ եղեռնի», Բեյրութ, 1965, էջ 465։

⁸ Տե՛ս «Геноцид армян в Османской империи», Сборник документов и материалов, под ред. проф. М. Г. Нерсисяна, Ереван, 1966, էջ 404։

⁹ Տե՛ս Զ. Կիրակոսյան, Առաջին համաշխարհային պատերազմն ու արևմտահայությունը, Երևան, 1965, էջ 301։

¹⁰ Տե՛ս «Геноцид армян в Османской империи», էջ 404։

¹¹ Հ. Աճառյան, Քննություն Համաձայնագրերի, Երևան, 1947, էջ 10։

Աղյուսակ 1

Տրապիզոնի նահանգի հայաբնակ վայրերն ու բնակչության թիվը 1915 թ.
կոտորածներից առաջ, ըստ 2. Անառյանի տվյալների:

Վարչական շրջաններ, քաղաքներ, գյուղեր	Դաղաքներում		Գյուղերում		
	տուն	շունչ	գյուղ	տուն	շունչ
Տրապիզոն քաղաք . . .	800	—	—	—	—
Յոմուրա	—	—	10	—	2340
Սյուրմենե	—	—	12	100	—
Աղչեապատ (Պլաղանա) .	—	—	7	—	4000
Տրիպոլի	40	—	—	—	—
Կիրասոն	—	1500	—	—	—
Օրդու	—	400	—	—	—
Օրդուի գյուղերը	—	—	15	—	—
Սամսոն քաղաք	—	—	—	—	—
Սամսոնի գյուղերը . . .	—	—	30	—	2000
Այդ թվում՝					
Չարչամալա	—	—	—7	առանձին դավառակ- ների մասին (տուն, շունչ) տվյալներ չկան	
Ունիե	—	—	—8		
Թերմե	—	—	—3		
Ֆաթսա	—	—	—2		

Աղյուսակ 2

Տրապիզոնի նահանգի հայերի թվաքանակը ըստ 2. Անառյանի տվյալների

Վարչական շրջաններ, քաղաքներ, գյուղեր	Քաղաքներում		Գյուղերում		
	տուն	շունչ	քանի գյուղ	քանի տուն	քանի շունչ
Տրապիզոն քաղաք . . .	800	4800	—	—	—
Յոմուրայի վիճակ . . .	—	—	10	385	2340
Սյուրմենե դավառակ . .	—	—	12	100	700
Աղչեապատ (Պլաղանա) .	—	—	7	572	4000
Տրիպոլի	40	240	—	—	—
Կիրասոն	250	1500	—	—	—
Օրդու քաղաք	67	400	—	—	—
Օրդուի գյուղերը	—	—	15	—	—
Սամսոն քաղաք	—	—	—	—	—
Սամսոնի գյուղերը . . .	—	—	30	2000	14000
Այդ թվում՝					
ա) Չարչամալայի դա- վառակ	—	—	17	Առանձին դավառակների բնակ- չության քանակի մասին տվյալ- ները պակասում են:	
բ) Ունիեի »	—	—	8		
գ) Թերմեի »	—	—	3		
դ) Ֆաթսայի »	—	—	2		
Ընդամենը...	1057	6940	104	3057	21040

մի շարք քաղաքների մասին տվյալներ բոլորովին չի տալիս, ինչպես Սամսոնն ու Բաֆրան, իսկ Գյումուշխանե քաղաքն ու ամբողջ դավառը բոլորովին բաց է թողել: Ինչ վերաբերում է համշենահայերի թվաքանակին՝ 20000 շունչ, ապա դա նույնպես մոտավոր է, քանի որ Օրդու դավառակի գյուղերի հայ բնակիչների քանակի մասին տեղեկություններ չկան, իսկ այլ շրջանների վերաբերյալ իրեն հաղորդված տեղեկությունները նույնպես թերի են: Ամեն զրուցա-
կից տվել է այն, ինչ կարողացել է, ինչ որ դիտեր կամ լսել էր:
Համեմատաբար ստույգ են Տրապիզոնի մոտակա գյուղերի մասին հաղորդված տվյալները: Եվ դա ինքնըստինքյան հասկանալի է: Նախ՝ որ հեղինակը անձամբ եղել է այդ վայրերում (Տրա-
պիզոնում), երկրորդ՝ նա լայն հնարավորություն է ունեցել երկար զրույց ունենալ տեղի ուսու-

ցիշների հետ, հատկապես Յոմուրայի ու Սյուրմենեի: Իսկ ով քիչ թե շատ ծանոթ է այդ վայրհյին, նրան հայտնի է, որ Յոմուրայի համարյա բոլոր գյուղերը ապահովված էին ձեռնհաս ու նվիրված դասատուներով: Շրջանի ուսուցչական միությունն ուներ «Գեղջուկ» անունով իր խմորատիպ, ապա տպագիր հանդեսը:

Ս. Ծոցիկյանը հաղորդում է. «Հայեր Տրապիզոնի մեջ ավելի քան 15000 կհաշվվեին մինչև 1915 թ. սկիզբը»¹²:

Սամսոնի հայկական դպրոցի ուսուցիչ Վ. Մինախորյանի հաշվումներով, եղեռնի նախօրյակին Սամսոն քաղաքում բնակվում էր 800—900 ընտանիք՝ 5000 շունչ հայ¹³:

Սամսոնցի Օթոն Հեթիմյանը «Սամսոնի հայության տխուր բաժինը 1915—1918 մեծ եղեռնին» գրքում Սամսոն քաղաքի հայերի թիվը ցույց է տալիս 6000 անձ:

Սույն հոդվածը պատրաստ էր, երբ «Բանբեր Երևանի համալսարանի» 1969 թ. № 2-ում սույնագրվեց ՀՍՍՀ ԳԱ թղթակից-անդամ Լ. Խաչիկյանի «էջեր համշենահայ պատմությունից»¹⁴ արժեքավոր հոդվածը:

Կարելի է ողջունել, որ վերջապես մեր ձեռնհաս պատմաբանները, հանձին Լ. Խաչիկյանի, ըստ արժանիության սկսեցին զբաղվել արևմտահայության անբաժան մասնիկը կազմող համշենահայլրի պատմությամբ: Սակայն, ցավոք սրտի, Լ. Խաչիկյանը նախաեղեռնյան տարիների համշենահայերի թվաքանակի վերաբերյալ, որպես ամենաստույգը, ներկայացնում է Հ. Աճառյանի տեղեկությունները: Լ. Խաչիկյանը գրում է. «Ստորև, առ ի չդոյե ավելի ստույգ տվյալների, մեջ ենք բերում այդ (Հ. Աճառյանի—Բ. Խ.) վիճակագրությունը, որ վերաբերում է առաջին աշխարհամարտին նախորդող ժամանակամիջոցին»:

Իրավացի կլինի՞, արդյոք, Հ. Աճառյանի ներկայացրած մասնակի տեղեկությունները ընդունել որպես ամենաստույգը: Այդ մասին ասվեց վերևում: Դա ավելի ակներև դարձնելու համար համեմատենք երկու հեղինակների՝ Թեոդիկի ու Հ. Աճառյանի տվյալները.

Տրապիզոնի նահանգի հայերի քվաֆանակը		
Հեղինակների անունը	Եղեռնից առաջ	Եղեռնից հետո
Թեոդիկ, Ամենուն տարեցույցը, 1922 թ.	65000	15000
Հ. Աճառյան, Քննություն համշենի բարբառի, 1947 թ.	26000, այդ թվում համշենահայեր՝ 20000, քաղաքներում՝ 6900	տվյալներ չկան

Թվելով նախաեղեռնյան ժամանակամիջոցում Տրապիզոնի նահանգում (Պոնտոս) բնակվող հայ բնակչության վիճակագրության վերաբերյալ վերևում բերված հակասական ու շատ անգամ իրարամերժ տեղեկությունները, հարց է ծագում, թե, արդյոք, որտե՞ղ է թաղված այդ խառնաշփոթության արմատը:

Վիճակագրական այդպիսի խճճվածության գլխավոր պատճառները հավանաբար հետևանք են հետևյալ հանգամանքների:

Տվյալներ հաղորդող հեղինակներից ոչ մեկը չի հիշատակում հայ կաթոլիկ ու բողոքական համայնքների թվաքանակը, իսկ այդպիսիք Տրապիզոնի նահանգում, հատկապես քաղաքներում (Տրապիզոն, Օրդու, Սամսոն) զգալի թիվ էին կազմում: Այդ վայրերում նրանք ունեին ինքնուրույն ազգային մարմիններ, կրոնական հովվապետներ, եկեղեցի, ժողովարան, ուսումնարաններ: Նրանք ուղղակի ենթակա ու հաշվետու էին իրենց վերադաս մարմիններին: Թերևս ազգային այս հատվածները որոշ հեղինակներ դուրս են թողել ընդհանուր վիճակագրությունից:

Շատ հեղինակներ Տրապիզոնի նահանգի մասին խոսելիս բոլորովին չեն հիշում Գյումուշխանե քաղաքում ու գավառում բնակվող հայերի թվաքանակի մասին: Մինչդեռ այդ գավառը Տրապիզոնի նահանգի անբաժան մասն էր: Ոչինչ չի ասվել նաև Լազիստանում (ներկայիս Ռիզեի նահանգ)

12 Ս. Ծ ո ց ի կ յ ա ն, Արևմտահայ աշխարհ, Նյու-Յորք, 1947:

13 Վ. Մ ի ն ա խ ո Ր յ ա ն, 1915 թվականը, Վենետիկ, 1949:

14 Լ. Խ ա չ ի կ յ ա ն, էջեր համշենահայ պատմությունից, «Բանբեր Երևանի համալսարանի», 1969, № 2 (8), էջ 115:

բնակվող փոքրաթիվ հայերի վերաբերյալ: Ասվածը վերաբերում է նաև Թեոդիկի հայտարարած վիճակագրական թվերին:

Տրապիզոնի նահանգը բաժանվել էր երկու ինքնուրույն առաջնորդական թեմերի՝ Ճանիկի ու Տրապիզոնի: Վերջինիս մեջ մտնում էին Տրապիզոնի, Գյումուշխանեի ու Լազիստանի գավառները: Քանի որ Տրապիզոնի թեմի առաջնորդը նստում էր կուսակալանիստ Տրապիզոն քաղաքում, ապա բացառված չէ, որ Տրապիզոնի առաջնորդարանի կազմած (առանց Ճանիկի թեմի) վիճակագրական տվյալները առանձին օտար (թերևս նաև ազգային) հեղինակների կողմից ընդունված լինեն որպես ամբողջ նահանգում բնակվող հայերի ընդհանուր թվաքանակը:

Օտար հեղինակների մեծամասնությունը, հասկանալի է, իբրև սկզբնաղբյուր է ընդունել թուրքական պետության կողմից հայտարարված խեղաթյուրված տվյալները:

Զի կարելի անտես անել նաև այն պարագան, որ Թուրքիայում հայերին (նաև հույներին) որպես խորթ տարր բանակ չէին տանում (մինչև 1908-ի հեղաշրջումը): Երա փոխարեն արական սեռից, ծնված օրվանից, զինվորական տուրք էր գանձվում, ուստի, հաճախ հայերը խուսափում էին տվյալների թիվը ճիշտ ցույց տալուց:

Ուշագրավ է Պ. Թումայանի 1870-ական թթ. Կ. Պոլսո պատրիարքին (Խրիմյան Հայրիկին) ներկայացրած տեղեկագրում Պոնտոսի հայ բնակչության թվաքանակի մասին հետևյալ հաղորդումը.

«Գյուղերու եկեղեցիք և բնակիչք... որքան որ այս գյուղերու եկեղեցվոց թիվը հայտնի է, այնքան անհայտ է անոնց ժողովրդյան թիվը և ասիկա, ինչպես փորձով դիտեմ, միայն այս վիճակիս համար չէ. սակայն այս գյուղերը՝ ինչպես նաև Ճանիկի վիճակն ալ պոնտական և Ճանիկի լիբանց շղթաներու դժվարուտ վայրերը բազմօրյա ճանապարհներ ցան ու ցիր սփռված և օտարի մը անձամբ շրջել ու առանձին տնակները հաշվելը կարի դժվարին ու անհնարին ըլլալով՝ մանավանդ այլ և այլ նկատմամբ ժողովուրդն ալ ինք զինք ճամբորդներն և քննիչ հետաքրքիրներն ծածկելու մեծ խնամք ու փույթ ունենալով՝ գրեթե միշտ անորոշ և անստույգ մթուծյան մը մեջ ծածկված մնալ հաջողած է. մանավանդ առաջնորդաց ցուցակներն շատերու անունը խուսափած է՝ պտղիներու օր ըստ օրն բարձրանալուն պատճառով, չասեմ փոխարեն բարոյապես օգուտ մ'ալ չքաղելուն պատճառով. շինական քահանայք և իշխանք ալ իրենց շահը հոգալով ժողովրդյան այս գործին օգնական՝ մանավանդ թե հեղինակ են, հիմա թող ազդը օրինավոր հաշիվ գտնաւ ինչ կարելի է ըստ իս՝ քանի որ աշխարհագիր ընելն ժողովուրդը կսոսկա, և ծածկվելով կկարծեն թե ապագային մեջ զորք և ուրիշ ծանր տուրքեր տալն պիտի ազատվի: Ուստի հիմա մեր հայտնած թվերը միայն առաջնորդաց ծանոթները՝ որով և միշտ հարյուրին քառասուն նվազ պիտի ըլլան»¹⁵:

Վերջապես որտե՞ղ է ճշմարտությունը, ո՞ր թվերն են իրականության մոտ, քանի՞ հազար հայեր էին բնակվում Տրապիզոնի նահանգում եղեռնից առաջ: Մանդակունու 1912-ին հայտարարած 100000-ը՝ թե՛ Թեոդիկի 1922-ին հայտարարած 65000-ը, Վերջին թվերը, Լ. Խաչիկյանի խոսքերով ասած՝ «առ ի շղոյն ավելի ստույգ տվյալների» առաջժամ ստացել են կիսապաշտոնական օրինականություն:

Այդ հարցի ամենահավանական ու ճշմարտության մոտ պատասխանը կարող են տալ միայն նույն բնակավայրերից գաղթած ու փախած համշենահայերն ու պոնտահայերը:

Եղեռնից առաջ ու հետո, Տրապիզոնի նահանգի համարյա բոլոր քաղաքներից, շրջաններից, գյուղերից ու մերձակա գավառներից ցարական Ռուսաստան ու ՍՍՀՄ փախած ու գաղթած բազմաթիվ համշենահայերի ու պոնտահայերի դրավոր ու բանավոր վկայությունների համաձայն¹⁶, եղեռնի նախօրյակին հայրենի երկրում (Տրապիզոնի նահանգ) բնակվող հայերի բնակավայրերն ու բնակչության թվաքանակը հետևյալ պատկերն էին ներկայացնում:

15 «Լումա», Տիֆլիս, 1889, № 2, էջ 183:

16 Հոգվածի հեղինակը տարիներ շարունակ շրջել է համշենահայերի ներկայիս բնակավայրերը (Անապայից մինչև Բաթումի ձգվող մերձափնյա քաղաքներն ու գյուղերը) և հարց ու փորձի միջոցով հարյուրից ավելի ծեր ու հասակավոր վերապրողներից տեղեկություններ է քաղել համշենահայերի ու պոնտահայերի բնակավայրերի և բնակչության թվաքանակի վերաբերյալ: Հոգվածագիրը փորձել է վերականգնել նախկին Տրապիզոնի վիլայեթի գրեթե ողջ տարածքի վրա մինչև 1914 թ. գոյություն ունեցող այն բնակավայրերի անունները, որոնցում հայեր են ապրել և նշել է յուրաքանչյուր գյուղի գերդաստանների ու բնակչության թվի մասին տվյալներ, որոնք հետաքրքրական են այս հարցով զբաղվողների համար:

Տրապիզոնի գավառ

Տրապիզոնի ֆաղաֆ՝ 14000:

Սյուրմենե (Սև դետ) գավառակը ունի 106 տուն, 996 շունչ բնակչություն, որ տեղաբաշխված էր հետևյալ 10 գյուղերում. Մաղթելա՝ 17 տուն, Քութնոց (Կամինիշկա)՝ 7, Քինոսոց գեղ՝ 20, Կատրա՝ 11, Սաթես՝ 2, Ալշաք գերե՝ 10, Ժուժք՝ 7, Էլեմոնոց՝ 23, Մաղթել՝ 6, համուրկյան Զարսուսի՝ 317:

Յոմուրայի վիճակ (նահիե).— Յոմուրայի հետևյալ 29 գյուղերում բնակվում էին 589 տուն, 4143 շունչ համընդհանուր. Կատարուքսա՝ 2 տուն, Ֆիրինժուտ՝ 27, Բաճուլաղ՝ 2, Սիֆթեր՝ 26, Կեփնոց գեղ՝ 23, Ապիոն՝ 31, Սամերա՝ 32, Միսոխոր՝ 2, Տրոնա՝ 13, Կոխալի՝ 10, Քյան՝ 25, Կալաֆկա հայկական՝ 63, Շոնա (Շանա)՝ 7, Սարալար՝ 24, Մինկիլա՝ 43, Կյուշանա՝ 56, Աֆյանձ՝ 28, Զեֆանոլ՝ 60, Կավարա՝ 8, Կրոմիլա՝ 38, Մինասլի՝ 10, Սկաֆինա՝ 23, Տերտերոց գեղ (Քեշիշոց մահալա)՝ 8, Տուրնացոց օղ՝ 11, Ճոշարա՝ 35, Կերասիա՝ 6, Խոցթեմասիա՝ 1, Խոց՝ 5, Կուխլա՝ 718:

Ճեվիզլուղի վիճակ.— Այս վիճակի 4 գյուղերում եղևոնի նախօրյակին բնակվում էին ընդամենը 23 տուն, 161 շունչ հայեր, որոնցից Մանգելերում՝ 10 տուն, Էլմալուխում (Ալմալուխ)՝ 2, Օլասայում՝ 10 ու Միկանոյում՝ 1: Միկանոյը և Օլասան անցյալում բազմամարդ հայկական գյուղեր էին: Բոնի իսլամացման տարիներին այստեղ ևս խուժել են թուրք ենիշերիները, որոնց ահից հայ բնակչության մի զգալի մասը կրոնափոխվել է, մի մասը՝ փախել-հեռացել¹⁹:

Տրապիզոնի ֆաղաֆամերձ (հարավ-արևմտյան) գյուղեր.— Բաղաբամերձ 16 գյուղերն ունեն 260 տուն, 1820 շունչ բնակչություն: Այդ թվում Մելեթրիա՝ 6, Վանքապատկան հողեր՝ 10, Պարյան՝ 22, Զոքուր Զաիր՝ 5, Տիվրանոզ՝ 4, Թոժ՝ 21, Մանդա՝ 3, Անիֆա՝ 20, Տելիբալթա՝ 18, Կրոպի՝ 21, Սիսեռա՝ 5, Մահմատ՝ 10, Արղալիա՝ 22, Զիզակսա՝ 42, Նոխաժանա՝ 26, Վերանա՝ 25: Վերջին երեք գյուղերը, վարչական գծով, կապվել էին Յոմուրայի վիճակին²⁰:

Ազեբապատի (Պլադանա) գավառակ.— Ազեբապատի գավառակի կենտրոն Պլադանա ծովափնյա փոքր ու գողտրիկ քաղաքը գտնվում է Տրապիզոնից արևմուտք: Գավառակի 35 գյուղերում, մեծ մասամբ անխառն հայաբնակ, ապրում էին 747 տուն, 5220 շունչ հայեր: Պլադանա քաղաքում՝ 12 տուն, 72 շունչ, ընդամենը՝ 5301 շունչ: Այդ գյուղերն էին.

Ա) Սերա գետի հովտում. Մանկանա՝ 6 տուն, Միվրիկա՝ 23, Կապարոն՝ 16, Իլոնա, Կատավոլ (Ղաբայոն)՝ 10, Լադանա՝ 35, Միմերա՝ 43, Բուռնազ՝ 3, Մեղրիկոց գեղ՝ 7, Թարաքճիլի՝ 7, Կյունեյ՝ 12, Քիրիկոց օղ (Քիրիլի)՝ 11, Աղրոյ՝ 21, Մեծ Մալա՝ 61, Փոքր Մալա՝ 28, Սալախոր՝ 17, Լիկոս՝ 20, Վերին Զավուրտի՝ 17, Ներքին Զավուրտի՝ 18, Լուսինոյ՝ 18, Կապոն (Կապան)՝ 22, Իլե՝ 19, Աղրիտ՝ 10:

Բ) Սաթարիա գետի հովտում (Պլադանայի քաղաքամերձ գյուղեր). Կըռգեղ՝ 13 տուն, Աշոքա՝ 17, Ապերա՝ 17, Նոյսեսոց գեղ՝ 15, Գալաճցոց գեղ՝ 23, Թաթոսոց գեղ՝ 13, Թորոսյի (Թորոսոց գեղ)՝ 15, Մինասոց գեղ՝ 20, Էմեքսուցոց գեղ՝ 12, Օքսուզցոց գեղ՝ 10, Կարնեցցոց գեղ (Մահալա)՝ 8, Ղալինոս կա՛մ Զուլաքցոց գեղ՝ 26, Կոնտակլոց գեղ՝ 16:

17 Սյուրմենե գավառակի վիճակագրական տվյալները կազմել են եղևոնի նախընթաց տարիների հայկական համայնքի թաղապետ (մուխթար) Մ. Մինասյանը, Վ. Գրիգորյանը, Դ. Քյոսյանը, Մ. Յազըճյանը, Վարդան ու Սաթենիկ Քյահյաններն ու ուրիշներ:

18 Յոմուրայի վիճակի հայ բնակչության վիճակագրությունը կազմելուն (տների քանակը, ընտանիքների անվանական ցուցակը ու թիվը) գործոն մասնակցություն են ցուցաբերել Նահապետ Քյոսյանը, Գրիգոր ու Հայկ Թուլաքյանները, Վարդան ու Հովհաննես Ղուկասյանները, Գասպար Վարդանյանը, Զվարթ Նուպարյանը, Գասպար Գալուստյանը, Ազգանուշ Հովակիմյանը, Ադամ Հովսեփյանը, Արուստյան Վաչտանյանը, Գասպար Քյոսյանը, Գաբրիել ու Սահակ Սորոսմուխյանները, Սերոբ Կակոսյանը և ուրիշներ:

19 Ճեվիզլուղի հայ բնակչության մասին պատմել են Պայծառ Մալխասյանը, Աղասեր Օհանյանը, Արմենակ Բաղդասարյանը և այլք:

20 Քաղաքամերձ գյուղերի վերաբերյալ տեղագրական ու վիճակագրական տեղեկությունները հավաքելուն ակտիվ մասնակցություն են ցուցաբերել այդ շրջանի զանազան գյուղերի բնակիչներ՝ Բաղդասար Ռահանյանը, Սերոբ Ռահանյանը, Արսեն Նուպարյանը, Արտաշ Զիզարյանը, Սարգիս Պողոսյանը, Պետրոս Թոփալյանը, Բյուզանդ Խոփալյանը, Տրդատ Բարմաքյանը, Հովհաննես Հրեշտակյանը, Վարդգես Մավյանը, Հակոբ Զուլաքյանը, Բաղդասար Էքշիյանը, Վարդան Հրեշտակյանը և ուրիշներ:

Ինչպես Յոմուրայի ու Տրապիզոնի քաղաքամերձ գյուղերի, նույնպես նաև Աղչեապատի դավառակի ամբողջ հայ բնակչությունը Համշենից ու Սև գետից ճողոպրած համշենահայեր էին: Եթե նույնիսկ ուրիշ վայրերից փոքրաթիվ հայեր գաղթել էին այդ շրջանները, նրանք էլ ամբողջովին ձուլվել էին համշենահայերի մեջ²¹:

Վազֆը-Քեպիր գավառակ.— Վազֆը-Քեպիր ժողովուրդը անվանում էր Բեյուք Լիման: Գավառակի կենտրոն ծովափնյա Բեյուք Լիման (Ֆոշ) ավանը գտնվում է Պլազանայից արևմուտք: Ականատեսների վկայությամբ, այս ավանում 1909—1910 թթ. բնակվում էին Թամզարայի ու Շապին-Գարահիսարի կողմերից գաղթած շուրջ 25 տուն հայեր: Ունեին փոքր դպրոց, մեկ ուսուցիչ:

Այս լայնածավալ, ծովամերձ գավառակում ուրիշ հայաբնակ գյուղերի գոյության մասին տվյալներ չկան:

Էլեվիի վիճակ.— Կենտրոն էլեվի ավանում բնակվում էին շուրջ 60 տուն հայեր: Դերասան Արման Կոթիկյանի վկայությամբ ավանի հայերը գաղթել էին Շապին-Գարահիսարից ու Թամզարայից:

Տրիպոլի ֆաղաֆ.— Էլեվիից արևմուտք: Բժշկյանի վկայությամբ, իր այցելած ժամանակ (1817 թ.) քաղաքում բնակվում էին հույներ, հայեր ու տաճիկներ²²: «Ազատամարտ» թերթի տվյալներով, 1914-ին քաղաքի հայկական դպրոցում ու մանկապարտեզում սովորում էին 200 երեխաներ²³: Հիմք ունենալով աշակերտների թիվը, կարելի է ենթադրել, որ նույն թվականին Տրիպոլիում ապրող հայերի նվազագույն թիվը 1500-ից պակաս չի եղել:

Կիրասուն (Փառնակիա) ֆաղաֆ.— Տրիպոլիից արևմուտք, ծովափնյա գեղատեսիլ քաղաք: Երբեմնի Պոնտոսի թագավոր Միհրդատի որդի Փառնակի աթոռանիստ քաղաքը: Մ. Բժշկյանի վկայությամբ 1817-ին քաղաքի հայ բնակչությունը 40 տուն կլիներ: Ունեին եկեղեցի, որ զնեչ էին հույներից 100 տարի առաջ: Այս հանգամանքը հաստատում է, որ 1700-ական թթ. քաղաքում գդալի թվով հայեր են բնակվել²⁴:

1911 թ. Տրապիզոնի ազգային մարմինների կազմած մարդահամարի տվյալներով, նույն թվականին Կիրասուն քաղաքում ու շրջակա գյուղերում բնակվում էր 3000 շունչ հայ, որոնցից 200-ը (38 տուն)՝ գյուղերում: «Ազատամարտի» հիշյալ համարի տվյալներով, 1914-ին Կիրասունի հայկական երկսեռ դպրոցն ուներ 330 աշակերտ, 16 ուսուցիչ: Հիշված թերթում ոչինչ չի ասվել մանկապարտեզի երեխաների թվաքանակի մասին: Մանկապարտեզ հաճախող փոքրիկների թիվը պայմանական հաշվելով 100, աշակերտների ու մանկապարտեզի սանիկների ընդհանուր թիվը կլինի 430 շունչ: Այդ թվերը վկայում են, որ եղեռնի նախօրյակին Կիրասունն ունեցել է շուրջ 3500 հայ բնակչություն²⁵:

1900-ական թթ. Կիրասունից Տրապիզոն փոխադրված ու բուն Կիրասունից Ռուսաստան գաղթած հայերի վկայությամբ, Կիրասունցի, ինչպես նաև էլեվիցի հայերի մեծամասնության բնօրրանները եղել են Կիրասունի սահմանակից Թամզարա ու Շապին-Գարահիսար քաղաքներն ու շրջանները²⁶: Թերևս կային նաև հեռավոր Կեսարիայից փոխադրվածներ:

21 Աղչեապատի գավառակի վերաբերյալ տվյալներ հավաքելուն մեծ աջակցություն են ցույց տվել Մինաս Սարյանը, Մելքոն Կարենցյանը, Մաթևոս Մրվանյանը: Երվանդ Սարյանը, Հովսեփ Ուզլյանը, Հակոբ Գալայճյանը, Խաչիկ Թոփալյանը, Ավետիս Կանսուղյանը, Թոմաս Մաղկալյանն ու ուրիշներ: Հատկապես շնորհակալ գործ է կատարել Սուխումի հայկական դպրոցի ուսուցիչ Հարություն Գալայճյանը, որի ծնողները Սաթարիա գյուղախմբի Գալայճցոց գյուղից են փախել Սուխումի: Հարությունը ծնողների ու հայրենակիցների հուշերը զրի առնելով, կարևոր տեղեկություններ է հաղորդում Աղչեապատի, հատկապես Սաթարիայի շրջանում բնակվող համշենահայերի վերաբերյալ:

22 Մ. Բժշկյան, Պատմություն Պոնտոսի, Վենետիկ, 1819, էջ 55:

23 «Ազատամարտ», 1914, № 1492, «Ուսուցչական համագումար Տրապիզոնի մեջ»:

24 Մ. Բժշկյան, նշվ. աշխ., էջ 54:

25 Ըստ երևույթին, տալազրական սխալի հետևանք է Լ. Խաչիկյանի հիշյալ հոդվածում («Բանբեր Երևանի համալսարանի», էջ 141) Կիրասունի վերաբերյալ Հ. Աճառյանի զրբից քաղված հետևյալ մեջբերումը. «Կիրասուն Տրիպոլիից արևմուտք, գեղեցիկ նավահանգիստ, հիմնվել է 1810 թվին՝ Ավետիք հայ իշխանի ձեռքով, ուներ 400 հայ բնակիչ»: Գրվածը վերաբերում է Օրդու քաղաքին: Հ. Աճառյանը զրել է. «Օրդու Կիրասունից արևմուտք՝ գեղեցիկ նավահանգիստ, հիմնվել է 1810 թվին Ավետիք հայ իշխանի ձեռքով...» (տե՛ս նշվ. աշխ., էջ 9):

26 Այդ մասին բավարար տեղեկություններ տալիս է «Պատմություն հայկական Պոնտոսի» գիրքը, էջ 467:

Բուլանգերի վիճակ.— Բուլանգեր, Կիրասոնից արևմուտք, համանուն վիճակի կենտրոնը։ Շրջանում բնակվում էին շուրջ 75 տուն, 525 շունչ հայեր։ Ունեին տարրական դպրոց և հինավուրց եկեղեցի, Ս. Նիկողայոս անունով։

Օրդուի զավառակ.— Օրդու քաղաքի հիմնադրման մասին Մ. Բժշկյանը հաղորդում է. «Առաջ հոս բնակություն չկար։ Մեր օրը ձեռնամբ Մահաբադ Ավետիք Տրապիզոնցի իշխանին բնակություն շինվեցավ ամենայն ազգոց»²⁷։ Մ. Բժշկյանը Սև ծովի շուրջը շրջագայել է 1817—1819 թթ., ուստի Օրդուի հիմնադրումը վերաբերում է 1810—1820 թթ.։ Հ. Անառյանը գրում է. «Օրդու Կիրասոնից արևմուտք՝ գեղեցիկ նավահանգիստ, հիմնվել է 1810 թվին՝ Ավետիք հայ իշխանի ձեռքով, ունեւ 400 հայ բնակիչ»։ 1908 թ. պաշտոնական տվյալներով²⁸ (Սալնամե—տարեցույց, մարդահամար) գավառում բնակվող 130800 շնչից 103400-ը խրաքաղած տարրեր ազգեր էին (վրացի, չերքեզ, լազական), 17000-ը՝ հույներ և 10286-ը՝ հայեր, այդ թվում՝ 1186 հայ բողոքականներ։ 1911 թ. ազգային մարմինների կողմից կազմված մարդահամարի համաձայն, Օրդու քաղաքում իսկ թվականին ապրում էին 7800 հույներ և 3000 հայեր։ Դժբախտաբար ոչինչ ի տվում հայ բողոքականների մասին, ուստի և պարզ չէ, թե քաղաքում բնակվող 1000-ից ավելի բողոքական հայերը մտե՞լ են այդ քանակի մեջ, թե ոչ։ «Հայերը Օրդուի մեջ կհաշվվեն մոտ 5000, դարուս առաջին տասնամյակի ընթացքին»,— գրում է Ս. Ծոցիկյանը²⁹։

«Ազատամարտ» թերթի 1914 թ. 1492-րդ համարի տվյալներով, 1914 թ. Օրդուի երկսիռ դպրոցն ունեւ 9 դասընթաց, որոնցից 3-ը՝ մանկապարտեզի բաժնում։ Աշակերտների թիվը հասել է, առանց մանկապարտեզի, 500 հոգու։ Մանկապարտեզի երեխաների նվազագույն թիվը 100 հաշվելով, ամբողջ աշակերտության թիվը կհասնեն 600-ի։

Քաղաքի հայ բողոքականներն ունեին բարեկարգ դպրոց՝ 60 աշակերտներով, Հետևապես, 1914-ին Օրդուի բոլոր հայկական (լուսավորչական, բողոքական) դպրոցների ու մանկապարտեզների աշակերտության թիվը եղել է 660-ից ոչ պակաս։ Եթե նույնիսկ ընդունենք, որ աշակերտության թիվը հավասար էր քաղաքի ամբողջ բնակչության 15 տոկոսին, որը այն ժամանակվա պայմաններում բացառիկ իրողություն էր, նույն թվականին (1914) Օրդուի ամբողջ հայ բնակչության (լուսավորչական, բողոքական, կաթոլիկ) թվաքանակը շուրջ 4500 շունչ էր։

Օրդուի գավառակը բաժանված էր առանձին վիճակների, որոնք հետևյալներն էին.

Թեփեի բաղլու կամ Սարիհուլի վիճակ.— Պազարսու՝ 25 տուն, Բազմոնթ՝ 15, Սարիհուլ՝ 18, Թոքմաբոլուզի՝ 6, Թոփալ գեղ՝ 15։ Ընդամենը վիճակում՝ 5 գյուղ, 79 տուն, 553 շունչ։

Բիրեզ Դերեի վիճակ.— Չոքտում՝ 65 տուն, Յոքուլ Տիպի՝ 17, Կապաթ Թեփե՝ 45, Չոմ Բաշի՝ 35, Խոյանի՝ 60, Քիրեզ Դերե՝ 110, Մուսա-Կրան (Մուսե Քրեթ)՝ 27, Քյոքներ Բել՝ 22, Քելե Թեփե (Թեփե)՝ 20, Չաղմոն՝ 25։ Ընդամենը վիճակում՝ 10 գյուղ, 426 տուն, 2982 շունչ։

Չավուշլարի վիճակ.— Գուլ ջերեն՝ 28 տուն, Չավուշլար՝ 48, Գայա Քյոյ՝ 16, Ալաջա Աղաջ (Ալաջա Աղոմ)՝ 26, Յոնուզ Քյոյի՝ 15, Կըզըլ հիսար՝ 25, Դերեի (Թեյնեի)՝ 20, Գարալուլ՝ 45, Լիմե Քյոյ՝ 13։ Ընդամենը՝ 9 գյուղ, 238 տուն, 1666 շունչ։

Մերֆեյի վիճակ.— Աք Յաղի՝ 80 տուն, Չորլընգ՝ 55, Ջըմըշի՝ 16, Սայաջի՝ 105, Գատըն-ճուլ՝ 64, Չիրուբուլուզ՝ 26, Ահմետ վագը՝ 22, Էրինճուլ՝ 45, Էլուբեկ-կրան՝ 26, Կուլ Քյոյի՝ 10, Բուլթոն՝ 24, Կյունտուզլի՝ 12, Չոնկալ Բել՝ 10, Խոջ օղլի՝ 50, Գյոզ Էօրեն՝ 46, Խոջ Կելուր՝ 20, Սալլաթ՝ 20, Կարաբոլուզ՝ 12, Կոշաջի՝ 34, Յաղուլ՝ 18։ Ընդամենը վիճակում՝ 20 գյուղ, 695 տուն, 4865 շունչ։

Բաշ Չարտալի վիճակ.— Կըրմա՝ 15 տուն, Էքուլ Էօրեն՝ 23, Կըզլիմոն՝ 18, Կայա Տիպի՝ 35, Չաթաղ՝ 30, Չամուրլի՝ 28, Բաշ Չարտաղ՝ 46, Լաղ Բելի՝ 10, Գաշ Աղըզ՝ 12, Տոնձ գյուլ (Տյուզ գյուլ)՝ 28։ Ընդամենը՝ 10 գյուղ, 245 տուն, 1715 շունչ։

Չոմաշի վիճակ.— Տեղերմեն Դերե՝ 12 տուն, Շիլար՝ 18, Կաթըր Քյոյի՝ 15, Փամբուբուլ՝ 38, Քյոմուրճի՝ 20, Ֆոտոնա՝ 12, Տոլեյթոմ՝ 12, Չոմաշ՝ 82։ Ընդամենը՝ 8 գյուղ, 209 տուն, 1463 շունչ։

Բերշեմպեյի վիճակ.— Բերշեմպե քաղաք՝ 22 տուն, 132 շունչ։

²⁷ Մ. Բժշկյան, նշվ. աշխ., էջ 53։

²⁸ Օրդու քաղաքի վերաբերյալ բերված ինչպես սույն վիճակագրական տվյալները, նույնպես նաև մի շարք մեջբերումներ, քաղվել են Չիլճյանի հոդվածից։ Տե՛ս Արշակունի, նշվ. աշխ., էջ 488։

²⁹ Ս. Ծոցիկյան, նշվ. աշխ., էջ 811։

Բերշեմպեյի շրջանի հայաբնակ գյուղերը. Յավուզլար՝ 15 տուն, Պոզ Թեփե՝ 45, Կարա-օլուք՝ 59, Աղպելեն՝ 12, էսեքյուզ (էսեսե քյուզ)՝ 14, Արուք (Արուխ)՝ 50, Կաղչի ուրեն՝ 48, Դարըքջա (Դարըք-Սաչի)՝ 40, Քյուրդ դադի՝ 13, Յոնադ՝ 26: Ընդամենը՝ 8 գյուղ, 322 տուն, 2254 շունչ: Ամբողջ գավառակում՝ 70 գյուղ, 2214 տուն, 15498 շունչ: Ընդամենը Օրդու քաղաքում ու գյուղերում՝ 19998 շունչ³⁰:

Սամսունի գավառ (Ճանիկ)

Սամսուն ֆաղաֆ՝ 5000 շունչ:

Ֆաթսա գավառակ.— Ֆաթսա քաղաք՝ 1800 շունչ: Ֆաթսայի հայաբնակ գյուղերը. Չիրուքյուզ՝ 110 տուն, Ջինար՝ 60, Գայա տիպի՝ 45, Խալաշլի՝ 35, Բաջանադ՝ 15, Կյունեյ՝ 15, Բորու Քյոյի՝ 40, Յադ՝ 40, Յադ Թեփե՝ 30, Ախլաթ՝ 15, Տաշ Օլուզ՝ 50, Քեսթանե Յոքուլի՝ 25, Թեփելուզ՝ 20: Ընդամենը՝ 12 գյուղ, 460 տուն, 3220 շունչ: Ամբողջ գավառակում՝ 5020 շունչ³¹:

Ունիեի գավառակ.— Ունիե քաղաք՝ 250 տուն, 1500 շունչ:

Չաքալ Բուդաբի վիճակ (Նահիե).— Այս վիճակը գտնվում է Ունիեի հարավ-արևելյան կողմը, Ճեվիզ Դերե գետի հովտում: Միգյուրը (կառավարիչ) նստում էր քաղաքից ոչ հեռու Չաքալ Բուդար գյուղում: Վիճակի հայաբնակ գյուղերը. Ուշ Քյուփրի՝ 16 տուն, էքուզ Քյոյի՝ 55, Չալ Բոդազ՝ 15, Լախանա՝ 12, Քելազ՝ (Քելեզ) իր թաղերով (Գորգմաղլի կամ Սըրթիցոց գեղ, Մենկեն կամ Արմենակցոց գեղ ու Կյունեյ)՝ 153, Բալլուզ՝ իր տասը թաղերով³²՝ 185, Ֆենեքիտ՝ 20, Փաշա Քյոփրու՝ 28: Ընդամենը վիճակում՝ 8 գյուղ, 484 տուն, 3388 շունչ:

Թեֆֆիրեզի վիճակ.— Թեքքերեզ՝ 29 տուն, Յադ Բասան՝ 10, Կոզբիկ՝ 64, Թութլուզ կամ Մինասցոց գեղ՝ 20, Ալի Վարազ՝ 55, Յար Բաշի՝ 50, Գարա Արմուտ՝ 18, Կապա դադ՝ 40, Լըխնի (Մինասցիք)՝ 15: Ընդամենը վիճակում՝ 8 գյուղ, 251 տուն, 1757 շունչ:

Քյոֆլուզի վիճակ.— Քյոքլուզի վիճակի հետևյալ գյուղերում (Քյոքլուզի նախկին թաղերը) Թեք Թամի, Սեյլան, Մանաստիր, Խաշգուռ, Կյոզ դերե, Տյուզ Թարլա, Յուսուֆլար, էյրի Բել և Յամարճուկ՝ 300 տուն, էքինճուզ՝ 45 տուն: Ընդամենը վիճակում՝ 10 գյուղ, 345 տուն, 2415 շունչ:

Յազըֆ Բելենի վիճակ.— Փելիթ Յաթադ՝ 55 տուն, Մելիք Թեփե՝ 25, Քիրփիշլուզ՝ 60: Ընդամենը վիճակում՝ 3 գյուղ, 140 տուն, 980 շունչ:

Գարամունի (Գարաման) վիճակ.— Չաքալ՝ 38 տուն, Գարամուն՝ 25, Կապա Կելիշ (Վեզիր-գոց գեղ)՝ 45: Ընդամենը՝ 3 գյուղ, 108 տուն, 756 շունչ: Ամբողջ շրջանում՝ 32 գյուղ, 1328 տուն, 9296 շունչ: Ընդամենը ամբողջ գավառակում (Ունիե քաղաքում ու գյուղերում)՝ 1578 տուն, 10796 շունչ³³:

Թերմեի գավառակ.— Թերմե քաղաք՝ 110 տուն, 660 շունչ: Թերմեի գավառակի հայաբնակ գյուղերն էին. Գոճաման Բաշի՝ 65 տուն, Ջենիկ գյուղ՝ 22, Քիրեզլուզ՝ 18, Գրբաշցոց գեղ՝ 15, Մեշելուզ՝ 1634, Ջելիֆտար՝ 17, Մատիլցոց գեղ՝ 12, Հոյլոն (Հոյլան)՝ 75, Կապալադ՝ 25, Գա-բաշալի՝ 68, Ջուրել՝ 24, Մախաթ՝ 28, Կյունեյճուկ՝ 36, Թերս-Յութադ՝ 23, Ուշ-Բուդար՝ 4035, Գարա-Գայա՝ 70, Սուլիջա (Սուլիե)՝ 80, Ամպար Թեփե՝ 20, Քել Թեփե՝ 20, Թոփուլ՝ 16, Արզու

30 Օրդու գավառակի համշենահայերի վերաբերյալ տեղագրական ու վիճակագրական տեղեկություններ հավաքելուն գործոն մասնակցություն են ունեցել նույն գավառակի նախկին բնակիչներ Մ. Բաղդասարյանը, Հ. Դովաճյանը, Մ. Չաքրյանը, Ս. Ջեննեթյանը, Մ. Մաթոսյանը, Մ. Մաթոսյանը, Լ. Սուսյանը, Հ. Քյոսյանը, Ա. Արզումանյանը, Ա. Գոշյանը, Ա. Թոփյանը, Ղ. Չոլաքյանը, Հ. Ջանսուզյանը և ուրիշներ:

31 Ֆաթսա գավառակի վերաբերյալ տվյալները պատմել են Գ. Գարաբյահյանը՝ Տաշ Օլուզ գյուղից, Կ. Փահլևանյանը և Մ. Համալյանը՝ Չիրուքլուզ գյուղից:

32 Բալլուզի թաղերն էին՝ Հեքիմցոց, Ուստցոց, Գալաճցոց, Կարագյոզցոց, Լոբկեցոց, Մալխասցոց, Թորոսցոց, Մզդեցոց, Կոնդաքչոց:

33 Ունիեի գավառակի մասին տվյալներ հավաքելուն մեծ աջակցություն է ցույց տվել Ջատիկ Խաչիկի Թումանյանը, Առանձին գյուղերի մասին պատմել են Լ. Թահմազյանը (Գրպաշյանը), Ա. Տրապիզոնյանը, Գ. Փափաղյանը, Զ. Գրիգորյանը, Դ. Խալթյանը, Ա. Գարաբյահյանը, Մ. Թուլյանը, Կ. Այդինյանը և ուրիշներ:

34 Լուսաբեր Թահմազյանի (Գրպաշյան) վկայությամբ, Քիրեզլուզ, Գրբաշցոց գեղ, Ջենիկ գյուղ և Մեշելուզ գյուղերը ենթարկվում էին Ունիեի գավառակին:

35 Կարապետ Այդինյանի և Չաքար Գրիգորյանի վկայությամբ Ուշ-Բուդարը վարչապետ ենթարկվում էր Ունիեին:

Դաղի՝ 30, Օրման Քյոյի՝ 23, Ալեմ Դաղի (էլում Դաղի)՝ 100, Դավառակի 23 գյուղերն ունենին 849 տուն, 5943 շունչ հայ բնակչություն: Ընդամենը գավառակում (Թերմե քաղաքում ու գյուղերում)՝ 6603 շունչ³⁶:

Չարշամպայի գավառակ.— Չարշամպա քաղաք՝ 300 տուն, 1800 շունչ:

Կուրշումլիի վիճակ.— էյրի Դերե իր թաղերով (էյրի Քիրիշ, Գուշ Գայա, Գարա Գայա, Վալիճցոց գեղ, Սելվիցոց գեղ, Քյուլլիցոց գեղ)՝ 300 տուն՝ Սըթմա Սու՝ 68, Կատը Կիրիշ՝ 20, Կաթրոնլի՝ 38, Աղջակունեյ՝ 30, Կյողչեքյոյ՝ 80, Չաքմաղ (Թաթուլցոց թաղով)՝ 60, Ուլու Բուղար (Ուլունփար)՝ 55, էշեքճի Կրան՝ 24, Կապանճիլի՝ 67, Խարմանլար՝ 29, Կուրշումլի (Խուրշումլի)՝ 26, Յայլաճուղ՝ 46, Դիբեքլեր՝ 13, Օխտ Կալ՝ 27, Աղլուշ (Աղլաշ)՝ 40, Բեղիրկցոց գեղ՝ 8, Սյունկյուրդցոց գեղ՝ 16, Կալթաղ կամ Փափազցոց գեղ՝ 22, Բուղար լիճի կամ Գոշլունցոց գեղ՝ 20, Մեկեթցոց գեղ՝ 18, էքսուղցոց գեղ՝ 13, էլուք Դերե՝ 20, Կապալաղ՝ 29, Կոնաքուղ (Կոնաքլըք)՝ 45, Կարթուղ իր թաղերով (Մժեղուտ, Ձոդալուղ, Ալա Խարման)՝ 46, Կավ շաղ՝ 18: Ընդամենը վիճակում՝ 27 գյուղ, 1178 տուն, 8246 շունչ:

Այվանուղի վիճակ.— Գափու Գայա՝ 28 տուն, Չիֆթ իշի՝ 44, Շահնա Գյոլ՝ 24, Գարըզուղ (Քըյրքլի)՝ 50, Քեսթանե Կելիշ՝ 60, Թեքուր (Թեքվարի) իր էյրի Քիրիշ, Խտը Ալի, Բոնկին գեղ թաղերով՝ 102, Մարթիլ (Մարթել)՝ 65, Այվաճուղ՝ 21, Տաշչուղաղ՝ 12, Կուրբաթ՝ 53, էորեղ բել (Օտիրբել)՝ 29, Ալա Խարման՝ 15, Քարոտ գեղ՝ 20, Սոյուղ կամ Պետիկցոց գեղ՝ 61: Ընդամենը վիճակում՝ 14 գյուղ, 584 տուն, 4088 շունչ:

Չարաղի վիճակում.— Օրդու բաշի (Խաշին Օղը թաղով)՝ 50 տուն, Քեշապցոց գեղ՝ 25, էմիրխոն՝ 36, Մովկար Բաշի՝ 80, Դերե-Չաթ (Չաթաղի)՝ 30, Չաթաղ՝ 60, Քյոյ Յերի՝ 24, Տաշլի Յաթաղ (Տաշլըղըլ)՝ 30, Բեղուղլար՝ 40, Օրթա Օյմաք՝ 80, Քեսթանե Քիրիշ՝ 55, էրինչուղ՝ 70, Արփա Չուղուրի՝ 25, Ֆուտուքճի՝ 50, Կոզլախ՝ 30, Ֆուրուն իշի՝ 45, Բոյա Բել՝ 21, Թեքե Քյոյի՝ 35, Գարա Աղաշ՝ 25: Ընդամենը վիճակում՝ 21 գյուղ, 916 տուն, 6412 շունչ:

Ամբողջ Չարշամպայի գավառակում՝ 62 գյուղ, 2678 տուն, 18746 շունչ: Ընդամենը Չարշամպա քաղաքում ու գյուղերում՝ 2978 տուն, 20546 շունչ³⁷:

Բաֆրայի գավառակ.— Տրապիզոնի նահանգի (նախկին) ամենաարևմտյան, ծովափնյա Բաֆրա քաղաքի Բաֆրայի հայկական դպրոցն 1914 թ. ուներ 260—270 երկսեռ աշակերտություն, բացի մանկապարտեզից: Նույն թվականին քաղաքում բնակվում էին շուրջ 2200 հայեր: Որքան հայտնի է, գավառակում կար երկու հայաբնակ գյուղ՝ Ալաշամ՝ 30 տուն, 210 շունչ և Գուզլուլար՝ 15 տուն, 105 շունչ: Ընդամենը՝ 2 գյուղ, 45 տուն, 315 շունչ: Ամբողջ գավառակում (Բաֆրա քաղաքում ու գյուղերում)՝ 2515 շունչ³⁸:

Կավախի գավառակ.— «էջմիածին» ամսագրում³⁹ նշվել է, որ Կավախ ՆԱՀԼԵՈՒՄ (վիճակ) եղել է ս. Աստվածածին եկեղեցի, որ հիմնվել է 1889 թ.: Սա վկայում է, որ այդ ժամանակ այնտեղ զգալի թվով հայեր էն բնակվել: Բացի այդ, վերապրողներից (Երվանդ Թորոսյան, Շահեն Մինասյան) քաղած կցկտուր տեղեկությունների համաձայն, ինչպես Կավախ քաղաքում, նույնպես նաև շրջանում բավական թվով հայեր էին բնակվում: Ենթադրվում է, որ շրջանում մոտավորապես 500 շունչ հայ բնակչություն է եղել:

Ճանիկի (Սամսոն) գավառի արևելյան սահմանից սկսած՝ Ֆաթսա, Ունիե, Թերմե ու Չարշամպա գավառակների գյուղերի ամբողջ հայ բնակչությունը, առանց բացառության, Համշենից

36 Թերմե գավառակի վերաբերյալ տեղեկություններ հավաքելուն ակտիվ մասնակցել են՝ Տրդատ Գարակյոյանը, Լուսիկ Շալճյանը, Եղիա և Սաթենիկ Ներսեսյանները, Սեդրակ Ներսեսյանը, Աբել Թահմազյանը և ուրիշներ:

37 Չարշամպայի գավառակի մասին մեծարժեք տեղեկություններ են տվել Սառա Մելքոնյանը (Թորոսյան), Սուլթան Նահապետյանը (Քյուլյան), Երվանդ Կարապետյանը, Մարիամ Կարապետյանը, Գևորգ Աշալյանը, Շահեն Մինասյանը, Սառա Փաշայանը (Թոփչյան), Միհրան Սյունկյուրդյանը, Գևորգ Քյուլյանը, Կարապետ Մոմճյանը, Սահակ Կարանյանը, Առանձնապես մեծ ու շնորհակալ աշխատանք է կատարել Երվանդ Թորոսյանը (Տելի Երվանդ), որը Երևանից հատուկ ուղևորություն կատարեց Աբխազական ԱՍՍՀ ու Սոչի և հավաքեց թանկարժեք տեղագրական, վիճակագրական ու այլ տեղեկություններ:

38 Բաֆրա գավառակի վերաբերյալ վիճակագրական տվյալները կազմելիս, բացի կենդանի վկայություններից, օգտվել ենք նաև Արշակունու «Պատմություն հայկական Պոնտոսի» գրքի համապատասխան հատվածից, էջ 702:

39 Տե՛ս «էջմիածին», 1966, 2, էջ 41—45:

ու Սև զետից ձողոպրած համշենահայերն էին: Ուրիշ վայրերից փոխադրված հատ ու կենտ ընտանիքներն ու անհատները ամբողջովին ձուլվել էին համշենահայերի մեջ, կորցնելով իրենց բնօրրանների ինքնությունը ազգագրական դեմքը:

Չարշամայայի մոտակա Կուրշումլի (Խուռշունլի) գյուղախումբը սկզբում եղել է վտարանդի համշենահայերի վերջին ու բազմամարդ հանգրվաններից մեկը: Ապագայում այնտեղից տարածվել են սահմանակից գավառներ՝ Սինոպ, Հեյրեղ (Հրեղ) և այլուր: Մ. Բժշկյանը Խուռշունլիի մասին հաղորդում է. «Խուռշունլի ավան մոտ է Չարշամայայի. բնակիչներն են հայ Համշենու եկած և ամենքը զինվոր զրկած են որգվոց որդի և ունին զորապետ հայ իշխան, որ զիրենք կկառավարե, մարդե ահ շունին. միայն Տերեպեկին հետ պատերազմ կերթան և զորավոր մարդիկ են»⁴⁰...

Գյումուշխանի գավառ

Գյումուշխանի քաղաք՝ 160 տուն, 960 շունչ⁴¹:

Գյումուշխանի շրջանի 5 գյուղերում՝ 90 տուն, 630 շունչ:

Գայլ գետ (Քելքիթ) քաղաք՝ 120 տուն, 720 շունչ⁴²:

Շեյրան քաղաք՝ 50 տուն, 300 շունչ:

Գարա Աղաջ գյուղ՝ 20 տուն, 140 շունչ:

Հնդամենը գավառի քաղաքներում՝ 330 տուն, 1980 շունչ, գյուղերում՝ 110 տուն, 770 շունչ: Ամբողջ գավառում՝ 440 տուն, 2750 շունչ:

Գյումուշխանի քաղաքից ու գյուղերից վերապրողների ու եղեռնի նախընթաց սարիներին Ռուսաստան փոխադրվածների հետ բախտ չունեցա հանդիպելու, ուստի հնարավոր չեղավ գյուղերի անունները վերականգնել ու բնակչության թիվը ստուգել:

Լազիստանի գավառ (Ներկայիս Ռիզեի նահանգ)

Ամբողջ Լազիստանի Ռիզե, Աթինա, Համշեն և այլ քաղաքներում ու գյուղերում ցիր ու ցան՝ 50 տուն, 300 շունչ:

Ամփոփելով Տրապիզոնի նահանգում եղեռնից առաջ բնակվող հայերի մասին բերված վիճակագրական տեղեկությունները, կստանանք № 4 աղյուսակում ներկայացված պատկերը.

Համշենահայերը Արևմտյան Հայաստանի ու Թուրքիայի այլ վայրերում

Սինոպի գավառ

Չարշամայա գավառակում հանգրվան գտած համշենահայերի մի մասը, երկար ժամանակ չանցած, տեղափոխվում ու բնակություն է հաստատում Սինոպի գավառում: Բացի համշենահայերից, նույն գավառի առանձին գյուղերում բնակվում էին նստակյաց հայ բոշաներ:

Սինոպ քաղաք.— Եղեռնից փրկված Մարիամ Ոսկերիչյանի, Գևորգ Գալաճյանի և այլոց վկայությամբ եղեռնից առաջ քաղաքում բնակվում էին շուրջ 30 տուն, 175 շունչ հայեր, որոնց մեծամասնությունը զաղթել էին Մալաթիայից ու Ամասիայից:

Գավառի համշենահայ գյուղերը.— Ալթուն-Օղլուն կամ Տերային գյուղը՝ 80 տուն, Գոյունճ կամ Քոչին Արթինին գյուղը՝ 100, Լալա՝ 30, Սարբուլ՝ 25, Գյոլ Դաղի կամ Գյուլ Դաղի՝ 80 և Դարաջա Քեսե՝ 30. Հնդամենը՝ 6 գյուղ, 345 տուն, 2415 շունչ:

Գավառի հայ բոշաների գյուղերը.— Ալի բեկ՝ 90 տուն, Մարալ դաղ՝ 100, Զինկյանլար խանե՝ 40: Հնդամենը՝ 3 գյուղ, 230 տուն, 1610 շունչ:

40 Մ. Բժշկյան, Պատմություն Պոնտոսի, էջ 49: Թեպետ Բժշկյանն ու նրանից ընդարինակող հեղինակները Խուռշունլի են անվանում այդ վայրը, սակայն բազմաթիվ բնիկների վկայությամբ, ինչպես և պաշտոնական գրություններում Կուրշումլի է անվանվում: Թերևս տարիներ առաջ Խուռշունլի է կոչվել:

41 Գյումուշխանի ու Շեյրան քաղաքների վերաբերյալ վիճակագրական տվյալները վերցված են «Պատմություն հայկական Պոնտոսի» գրքից, էջ 531, 553:

42 Տե՛ս Մ. էսմելյան, Աքսորի ու պատերազմի կրակներու մեջեն, Բոստոն, 1952:

Ամբողջ զավառում՝ 4200 հայ, որոնցից 2415 համշենահայեր, 1610 հայ բռշաներ ու 175 քաղաքաբնակներ⁴³։

Ա Ղ յ ու ս ա կ 4

Տրապիզոնի նահանգի (Պոնտոս) հայերի բվաՄանակը Եղեռնից առաջ՝ 1914 թ.

Վարչական շրջաններ, քաղաքներ	Դաղաքներ - ընդամենը		Գ յ ու ղ ե ր ու մ						Ընդամենը
			համշենահայեր			ոչ համշենահայեր			
	տուն	շունչ	գյուղ	տուն	շունչ	գյուղ	տուն	շունչ	
Տրապիզոնի գավառ									
Տրապիզոն քաղաք	—	14000	—	—	—	—	—	—	14000
Սյուրմենե գավառակ	—	—	10	106	996	—	—	—	996
Յումուրայի վիճակ	—	—	29	589	4123	—	—	—	4143
Ճեվիդլուի վիճակ	—	—	4	23	161	—	—	—	161
Վաղաքամերձ գյուղեր	—	—	16	260	1820	—	—	—	1820
Աղշեհատուրի (Պլաղանա) գավառակ	—	—	35	747	5229	—	—	—	5229
Պլաղանա քաղաք	—	72	—	—	—	—	—	—	72
Բեյուք լիման (Ֆոշ)	—	150	—	—	—	—	—	—	150
Էլեվի ավան	—	60	—	—	—	—	—	—	60
Տրիպոլի քաղաք	—	1500	—	—	—	—	—	—	1500
Կիրասոն քաղաք	—	3500	—	—	—	—	—	—	3500
Բուլանճըքի վիճակ	—	—	—	—	—	1	75	525	525
Օրդուի գավառակ	—	—	—	—	—	—	—	—	—
Օրդու քաղաք	—	4500	—	—	—	—	—	—	4500
Օրդուի գյուղեր	—	—	70	2214	15498	—	—	—	15498
Ընդամենը գավառում	—	23780	164	3939	27837	1	75	525	52142
Սամսոնի գավառ									
Սամսոն քաղաք	—	5000	—	—	—	—	—	—	5000
Ֆաթուա քաղաք	—	1800	—	—	—	—	—	—	1800
Ֆաթուայի գյուղեր	—	—	12	460	3220	—	—	—	3220
Ունիե քաղաք	—	1500	—	—	—	—	—	—	1500
Ունիեի գյուղեր	—	—	32	1328	9296	—	—	—	9296
Թերմե քաղաք	—	660	—	—	—	—	—	—	660
Թերմեի գյուղեր	—	—	23	849	5943	—	—	—	5943
Չարշամսլա քաղաք	—	1800	62	2678	18746	—	—	—	20546
Բաֆրա քաղաք	—	2200	—	—	—	—	—	—	2200
Բաֆրա գյուղ	—	—	—	—	—	2	45	315	315
Կավախի վիճակ	—	—	—	—	—	—	—	500	500
Ընդամենը գավառում	—	12960	129	5315	37205	2	45	815	50980
Գյումուշխանեի գավառ									
Դյումուշխանե քաղաք	—	960	—	—	—	—	—	—	960
Գյումուշխանեի գյուղեր	—	—	—	—	—	5	90	630	630
Գայլ դեա (Կեւթիթ) քաղ	—	720	—	—	—	—	—	—	720
Շեյրան քաղաք	—	300	—	—	—	1	20	140	440
Ընդամենը գավառում	—	1980	—	—	—	—	—	770	2750
Լազիստանի գավառ	—	—	—	50	300	—	—	—	300
Ամբողջ նահանգում	—	38720	293	9304	65342	8	155	2110	106172

Նիկսարի գավառ

Օրդուի ու Ճանիկի համշենահայերից զգալի թվով ընտանիքներ, անցնելով սահմանակից Սեբաստիա նահանգը, հիմնել էին հետեւյալ գյուղերը.

Նիկսար գավառի Մելեք գավառակում. Մահմադ՝ 120 տուն, Քյոյլի քյոյ՝ 40, Քելլեր՝ 50, Դա-
բիջա՝ 40, Տերն Բաշի՝ 25, Բորսուդ՝ 35. ընդամենը՝ 6 գյուղ, 310 տուն, 2170 շունչ։

43 Սինոպի գավառի հայկական համայնքի մասին պատմել են Սառա Դեմիրչյանը, Նազիկ Գարա-Ալթինյանը, Հով. Քյուլյանը, Մարիամ Ոսկերիչյանը, Կարապետ Պահարյանը, Գևորգ Գա-
լսճյանը։

Հեյրեղ (Հրեղ) գավառակում. Շաքար Զալ կամ Շահին Կայասի՝ 150 տուն, էվադա՝ 140, Զուլու՝ 120, Սարի Կայա. 150, Կերեսի՝ 130, Զիրբահի՝ 60, Աղարաղ կամ Աղայաղի՝ 50, Ընդամենը գավառակում՝ 7 գյուղ, 800 տուն, 5600 շունչ:

Ամբողջ նահանգում՝ 13 գյուղ, 1110 տուն, 7770 շունչ⁴⁴:

Նիկոմեդիայի (Իզմիրի) գավառ

1860—1870-ական թթ. սկսվում է Օրդու գավառակի համշենահայերի գաղթը դեպի Սարմա-րա ծովի գեղանի ափերը՝ Ատաբազար ու Պարտիզակ (Բաղչենուկ) գավառները: Եղեռնի նախօր-յակին այդ գավառներում կային հետևյալ համշենահայ գյուղերը.

Ատաբազար գավառում. Արամ կամ Կրզըլնուկ գյուղ, առաջին համշենահայ գյուղը Նիկոմե-դիայում, հիմնված 1873 թ., ուներ 65 տուն բնակչություն, Գեղամ կամ Կովուք փելիթ իր 4 թա-ղերով՝ 112 տուն, Հովիվ գեղ (Զուպան Յաթաղի)՝ 50, Խաչ գեղ (Մեջիտիե)՝ 40, Հայոց գեղ կամ ձոր (Սըթ գեղ) երեք թաղերով (Թեփե գեղ, Օրթա գեղ, Վերի գեղ)՝ 250, ընդամենը գավառում՝ 5 գյուղ, 517 տուն, 3619 շունչ:

Պարտիզակ (Բաղչենուկ) գավառ. Մանուշակ (Մենեմշե) գյուղ, չորս թաղերով (Վերին թաղ, Վարի թաղ, Սուրաթում և Ալմասու)՝ 123 տուն, Ժոմոն գեղ (Քիլիսե Տյուղի)՝ 50, Զաքար գեղ (Տյոշամա)՝ 120, Սուրբ՝ 30, Տուզլուխ՝ 7, Ընդամենը գավառում՝ 5 գյուղ, 330 տուն, 2310 շունչ: Ամբողջ Նիկոմեդիայում՝ 10 գյուղ, 847 տուն, 5929 շունչ⁴⁵:

Ա Ղ Յ Ո Ս Ա Կ 5

Համշենահայերի բվաֆանակը Առևմտյան Հայաստանում ու ամբողջ Թուրքիայում (առանց ֆաղաֆների) 1914 թ.

Նահանգներ ⁴⁶ , գավառներ	Գյուղ	Տուն	Շունչ
Տրապիզոնի	293	9304	65344
Սինոպի	6	345	2415
Սերաստիայի	13	1110	7770
Նիկոմեդիայի (Իզմիր)	10	847	5979
Ընդամենը...	322	11606	81458 ⁴⁷

⁴⁴ Մելեթ ու Հեյրեղ գավառակների համշենահայերի մասին պատմել են Մարկոս Բաղդասար-յանը, Մեսրոպ Սահակյանը, Հակոբ Ավետիսյանը, Կարապետ Լորյանը: Սերաստիա նահանգում գտնվող ուրիշ համշենահայ գյուղերի մասին տվյալներ չկան:

⁴⁵ Նիկոմեդիայում բնակվող համշենահայերի մասին վիճակագրական ու աղագրական տրվ-յալներ հավաքելուն ու կազմելուն մասնակցություն են ունեցել Իսրայել Մինասյանը, Արմենակ Խորոզյանը, Գարեգին Գալստյանը, Գարեգին Վարդանյանը, Կարապետ Թարաքչյանը, Գարեգին էմբեսուդյանը, Գալուստ Խաչիկյանը և ուրիշներ: Օգտվել եմ նաև Մ. Գասպյանի (Ֆարհատ) «Հայերը Նիկոմեդիա գավառի մեջ» գրքից, Պարտիզակ, 1912:

⁴⁶ Վարչական բաժանումները վերցվել են 1914 թ. դրությամբ:

⁴⁷ Ինչպես ասվել է, հիմնվելով ստուգված վիճակագրական տվյալների վրա, համշենահայ գյուղացիների (խոսքը Պոնտոսում բնակվողների մասին է) ընտանիքների անդամների միջին թիվը 7 շունչ էր, որով 5-րդ աղյուսակում բերված 11606 տունը կունենար ոչ թե 81458, այլ 81242, այսինքն 216 շնչով պակաս: Սակայն դա հետևանք է ոչ թե թույլ տրված թվաբանական սլարդ սխալի, այլ իրական դրություները ներկայացնելու միտումով է արվել: Բանը նրանումն է, որ Սյուրմենեի (Սև գետ) հայկական համայնքի նախաեղեռնյան ժամանակամիջոցի թաղապետ ու դպրոցական հոգաբարձության նախագահ, եղեռնից փրկված Մինաս Մինասյանի աներկբա վկա-յությամբ, նույն ժամանակում իր կազմած ցուցակների համաձայն համայնքի 106 տունն ուներ 996 շունչ բնակչություն: Ահա այդ թիվն է, որ թողնվել է անփոփոխ:

Բացի հիշված նահանգներից, համշենահայեր բնակվում էին նաև Արևմտյան Հայաստանի այլ վայրերում: Ս. Հայկունու վկայությամբ, Սև գետի արյունալի օրերին, հայրենի օջախները լքած ու հեռացած սեզետցիների շուրջ 10 տոկոսը անցել է Բաքերդի կողմը: Սակայն առայժմ ստույգ տեղեկություններ չկան, թե որտեղ են նրանք հիմնվել: Հավաստի վկայություն կա միայն այն մասին, որ սյուրմենեցիների մի սերունդ հասել է Գանձակի (Կիրովաբադ) գավառ. նրանց հետնորդներին մինչև այսօր էլ սյուրմենեցիք են կոչում: